

Das Salz oder der spiritus wird gebraucht in aquis appropriatis, in der dosi, wie darvon Crollius fol. 234. 248. 249. anzeigt.

XXVII.

Vom Brin vnd Salmtac.

Brin in ein hohe Phiol gethan/darinn Salmtac auffsolviert/in Aschen gesetzt/erstlich gar sanfft/zum letzten starck gefewret/so wird der Helm auff der Phiol/ob er schon weit seyn wird/in weniger zeit gar gram werden/vnd desgleichen der Kolben/so fürgelegt wird werden/auch ganz gram werden/vnd gar kein Wasser herüber gehen/wird sich etwas sublimiren / vnd als ein Eys am Kolben vnd Helm anhängen / das gar scharyff seyn wird / welches die Zung verbrennt. Diesen Sublimat mit calcinierten Metallen vermischt/mit mehrern Handgriffen/wird sie vivificiren.

XXVIII.

Mercurium zu einem Glas machen.

Nim das weisse sedimentum, das sich im extracto lithargyrii oder Menig setzet / darüber geuß siedendheisses Wasser / darinnen Salz ein wenig auffsolviert worden. Vnd laß selbiges sedimentum solvieren / filtriers / vnd laß auff Honig dicke evaporiren vnd aufdämpffen. Dieses Extracts geuß auff einen mercurium præcipitatum im

3 v

aqua